



Reglament per far diever dallas vias d'uaul e da funs cun vehichels a motor

**Approbaus entras la radunonza da vischnaunca ils 13 da mars 2015
Vigur: 13 da mars 2015**

I. Vias d'uaul e da funs

- Art. 1 Vias d'uaul e da funs cun scamond da carrar
- Art. 2 Dretg da carrar per intents specials
- Art. 3 Dretg da carrar cun carta da legitimaziun
- Art. 4 Taxas administrativas ed applicaziun
- Art. 5 Vias d'avertura

II. Determinaziuns generalas

- Art. 6 Scamond da carrar durtont igl unviern
- Art. 7 Prescripziuns specialas
- Art. 8 Execuziun
- Art. 9 Publicaziun e signalisaziun
- Art. 10 Responsabladad
- Art. 11 Cunterdretg

III. Determinaziuns finalas

- Art. 12 Disposiziuns penalas
- Art. 13 Vigur

Sebasond sin art. 3 dalla lescha federala da traffic sin via, art. 7 e 8 dalla lescha introduc-tiva leutier, sin art. 15 dalla lescha d'ual federala, art. 13 dall'ordinaziun leutier, art. 34 dalla lescha d'ual cantunala, art. 27 e 28 dall'ordinaziun leutier relai la vischnaunca Tu-jetsch las suandontas perscripziuns per il diever dallas vias d'ual e da funs.

I. Vias d'ual e da funs

Art. 1 Vias d'ual e da funs cun scamond da carrar

Sin las suandontas vias d'ual e da funs vala in scamond da carrar cun vehichels a motor (signal 2.14) cun resalva dallas excepziuns menziunadas en quest reglament:

a) Sin las suandontas vias ei la peisa maximala limitada a 20 tonnas e la ladezia a 2.50 meters (signal 2.16 e 2.18):

- Staziun Tschamut – Uaul da Rosas (sbuccada via Milez – Val Val)
- Uaul Tschuppina
- Mila – L'Ondadusa
- Via Cungieri
- Bugnei – Val Dadora
- Bugnei – Garmischeras
- Cavorgia – Val Nalps
- Val Vallatscha – Val Gierm
- Mises Pign – Val Gierm
- Plaun dil Lai – Sut Seivs

b) Sin las suandontas vias ei la peisa maximala limitada a 18 tonnas (signal 2.16 e 2.18):

- Via Uaul sut Milez
- Sut Seivs – Alp Tgom (lubientscha speciala)

c) Sin las suandontas vias ei la peisa maximala limitada a 13 tonnas (signal 2.16 e 2.18):

- Uaul Flurin (stumpa)
- Uaul Bugnei (sur las reits encunter curdada da crappa)

d) Sin las suandontas vias ei la peisa maximala limitada a 3.5 tonnas (signal 2.16 e 2.18):

- Runs – Val Val, Pardé
- Rudatsch – Val da Rosas
- Via uaul sur Caspaua
- Via veglia Tschuppina
- Nurschai – Davet
- Uaul Flurin – Sum Praus
- Val Bugnei (encunter reservuar)
- Pardatsch da Vaccas
- Via veglia Uaul Surrein

Art. 2 Dretg da carrar per intents specials

¹Negina carta da legitimaziun per carrar ei necessaria per:

- a) tuts viadis da survetsch dalla polizia, dil survetsch forestal, per diever agricol (machinas agricolas, senza autos cun numera verda), dalla polizia da catscha e pesca, dalla sanitad dils pumpiers, dils guardians d'ieli e da chemia, viadis per ademplir activitads officialas u legalas sco era viadis en survetsch dil Cantun e dalla Confederaziun;
- b) viadis da miedis e veterinaris en activitad professiunala;
- c) viadis ordinali d'in post cumpetent en cass d'accidents, d'incendis e da catastrofas;
- d) pil transport da selvaschina da grefla sittada;
- e) pil transport da lenna da sort (lenna da brisch) duront in temps limitau, fixau en cunvegrientscha cul forester communal.

²Per levgiar la survigilanza drova ei ina carta da controlla (cun excepziun da machinas agricolas). Quella ei gratuita.

Art. 3 Dretg da carrar cun carta da legitimaziun

a) Diever agricol

¹Pil diever agricol e duront il temps d'alpegiaziun vegn dau ina carta da legitimaziun e quei per tuts raiuns.

b) Ulteriur diever

²La suprastanza communal dat sin damonda cartas da legitimaziun annualas da carrar:

- a) per vehichels da proprietaris da beins immobiliars e d'affittaders per igl access al schischom;
- b) per vehichels da furniturs, da glied da professiun, ustrias da muntogna, da concessiunaris etc. per praticar lur activitad.

³Il dretg da retrer ina carta da legitimaziun annuala han ils parents dil proprietari dil bein immobiliar en lingia directa entochen tier il grad da bab / mumma ni fegl / feglia sco era il partenari ni la partenaria. Il medem status gauda era il favorisau da dretgs da gudida impurtai sco servitud el register funsil.

⁴Concessiunaris el senn da lit. b) ein en special purtaders d'ina patenta cantunala ni communal per praticar lur activitad.

⁵Persunas che persequiteschan in gudogn accessoric han mintg'onn da tschentar all'administraziun communal la damonda per ina legitimaziun annuala.

c) Cartas da legitimaziun per in di, per in'jamna ni per in meins

⁶Persunas che han negin dretg da carrar sin vias d'uaul e da funs san far diever da tuts raiuns lubi cun retrer ina carta da legitimaziun per in di, per in'jamna ni per in meins.

II. Determinaziuns generalas

Art. 6 Scamond da carrar duront igl unviern

¹Duront igl unviern eis ei scumandau da carrar cun tuts vehichels sin las vias d'ual e da funs. Quei scamond vala mintgamai naven digl emprem da december, respectivamein naven dil mument che las vias ein cuvretgas cun neiv, entochen la fin da mars. Fullar via ei scumandau.

²La suprastonza communal sa conceder legitimaziuns excepziunalas per il survetsch d'unviern reduciu ni per situaziuns specialas.

Art. 7 Prescripziuns specialas

¹En cass da relaziuns disfavoreivlas sa la suprastonza communal serrar tuttas vias u relaschar restricziuns per in cert temps e/u per certas categorias da vehichels.

²Barrieras, geinas ni seivs ein da serrar suenter scadin passadi.

³Parcar e cruschar astga succeder sulettamein en loghens previ ed adattai persuerter.

⁴Ulteriuras reglamentaziuns (p.ex. concernent zonas da ruaus) restan resalvadas.

Art. 8 Execuziun

¹L'execuziun da quest reglament cumpeta alla suprastonza communal. Ella sa delegar singulas cumpetenzas als collaboraturs comunals sco era ad ulteriuras persunas cun incarica speciala.

Art. 9 Publicaziun e signalisaziun

¹Las excepziuns e restricziuns da traffic cuntenidas en quest reglament ein da publicar egl organ da publicaziun official e las signalisaziuns da postar els loghens pertucchai.

²La signalisaziun ha da succeder en concordanza cun la polizia da traffic cantunala.

Art. 10 Responsabladad

¹Il diever dallas vias numnadas en quest reglament succeda sin atgna responsabladad. La vischnaunca ei buca responsabla per eventuels donns ni accidents caschunai.

²Il cuosts da reparar ils donns caschunai vid las vias vegnan adossai als caschunaders.

Art. 11 Cunterdretg

Per las vias che cunfineschan cun las vischnauncas vischinontas vala era la lubientscha da l'otra vischnaunca, aschinavon che lezza regla il carrar sin las vias e salva cunterdretg.

III. Determinaziuns finalas

Art. 12 Disposiziuns penalas

¹Tgi che cunterfa sapientivamein ni ord negligentscha a quest reglament ni a prescripziuns e determinaziuns che sebasan sin quel, vegn castigaus cun ina multa da tochen frs. 5'000.00. Daventa quei per regl da gudogn, ei la suprastonza communal buca ligiada agl importo maximal.

²En cass d'in maldiever dalla lubientscha sa quella vegnir privada permanentamein ni per in cert temps.

³Encunter castitgs relaschai dils organs da controlla sa vegnir fatg protesta enteifer 30 dis alla suprastonza communal cun indicar il motiv dil surpassament.

⁴Encunter disposiziuns dalla suprastonza communal sa vegnir recurriu enteifer 30 dis alla dertgira administrativa dil cantun Grischun.

Art. 13 Vigur

Quest reglament ei vegnius approbaus dalla radunonza da vischnaunca dils 13 da mars 2015. El passa immediat en vigur e remplazza il regulativ per far diever dallas vias d'uaul cun vehichels a motor dils 18 da zercladur 1999.

Il president communal:

Il menader center communal:

Beat Roeschlin

Lucas Collenberg

